



UNIVERSITÄTS-
BIBLIOTHEK
PADERBORN

Universitätsbibliothek Paderborn

Symmvla Caietani

Cajetan, Thomas

Antverpiae, 1575

Diuinu[m] officiu[m] quocunque in loco priuatim celebrari permittitur:
publicè autem vel iura iubent in Ecclesia tantum.

urn:nbn:de:hbz:466:1-41716

320 Horæ canonicæ.

diei usque ad mediam noctem sequentis diei, ita tamen ut solas matutinas liceat vesperi præcedenti dicere. Graue tamen est peccatum sine rationabili causa retardare multum horas : ut dicere primam horam nonam, vel vesperarum. Præuenire tamen ut quietius ac deuotius dicatur, consulitur à iure in c. presbyter. ut scilicet manè dicantur horæ usque ad vespertas inclusiue. Tempus autem publicæ celebrationis horarum, est iuxta laudabilem cuiuslibet Ecclesiæ ac patriæ consuetudinem. Et licet sancitum sit in iure, ut horis debitis in Ecclesiis cathedralibus & collegialibus horæ dicantur, nullum tamen ego cognosco peccatum mortale in huiusmodi, etiam si quandoque negligentia magna interueniat, dummodo cummuniter seruetur consuetudo: quia in huiusmodi circumstantiis non puto incurri mortale peccatum sine contemptum, quoniam non spectât ad substantialia materiæ præceptæ. Hæc de quarto.

Diuinū officium quocunque in loco priuatim celebrari permittitur: publicè autem vel iura iubent in Ecclesia tantum.

Quo ad quintum de loco, nullus est locus in quo non liceat priuatè diuinum exoluere officium. Publicè autem in Ecclesia celebrandū esse iura iubent à deputatis ad illud: ita quod deponendi à clerici consortio sunt qui castigati nolunt interesse, ut in Decretis dist. xcii. cap. vlt. decernitur. Vbi tamen contemptus dæst, & propter meam absentiam non notabiliter leditur diuini cultus officii: & Prælati dissimulant, parum de iis quæ Dei sunt curantes, nõ incurro mortale peccatū ex hoc quòd desum horis canonicis in Ecclesia mea: quia contra præceptum iuria positiui propriè non venio, nec notabile damnū infertur diuini cultui. Grauius tamen pecco, si sine rationabili

nabili causa me debitis horis subtrahō : quia grauis est ratio diuini debiti.

De totalitate autem diuini officii nocturni pariter & diurni Ecclesis cathedralibus & collegialibus tam singularibus quàm regularibus debita secundum iura, & minimè soluta in tot huiusmodi Ecclesiis, dicendum est quòd vbi tenuitas census in causa est & fuit semper quantum est in memoria hominum, excusantur collegiales seruantes consuetudinem : puta dicendo Missam maiorem, & vesp̄as in Ecclesia, vel aliquam horam, prout ibi moris est antiqui : quoniam derogatum ibi videtur iuri communi ex rationabili Prælatorum tolerantia. vbi autem sufficientes habent proventus, & extant tēpla, ac deputati ad huiusmodi cultū percipiētes suas portiones, & parū aut nihil exoluit diuini cultus in ipsis Ecclesiis ex introducto abusu, ipsi viderint si vinculo iuris derogatū est.

De illo autem qui in choro versus sui chori submissè sibi tantum dicit, alterius autem chori versus audiendo tantum exoluit, ratio dicitur, quod non satisfaciatur: quia communis exolutio communicantium est. iste autem per se loquendo non cōmunicat alteri choro. Et ita alibi scripsimus. Si tamen intelligerem quod viri timorati consueuerunt sic facere, dicerem quod consuetudo bonorū optima est legum interpretis: & charitas quæ omnia cōmunia reddit, & efficit vt versus auditus sit communis omnibus audientibus, tantò magis quantò maiores in choro non debent cantare, sed meditari quæ ab inferioribus cantantur. Hæc de quinto.

Peccatum hypocrisis dupliciter incurritur.

Hypocrisis (qua homo simulat personam iustā vel iustioris) peccatum est: quia mendacii vim habet. Incurritur aut dupliciter. Vel formaliter.
hog